

18. oktober 2019

UKA2019/170

Inuussutissarsiutigalugu piniartut nannuttamik amiinik qapiartitsisarnerannut suliaritinneqarneranut akiusut malillugit akilerneqartarneranut akiliutaasup 50%-anik taperneqartarlernissaannik, ilanngullu angallannera Naalackersuisut peqquneqarnissaannik Inatsisartut aalajangiiffigisassaattut siunnersuut. Nunat tamalaat nannut amiinik piniartut niueruteqarsinnaanerit inerteqqutigaa, tamaalilluni piniartut nannut amiinik tunisisinnaanerannut periarfissaarunnerannut taarsiutitut tapiissutip siunertaqarpoq. (Inatsisartunut ilaasortaq Jens NapätôK', Partii Naleraq)

Siumumiik Jens N-p Inatsisartunut aalajangiiffigisassatut siunnersuutaa imaatut oqaaseqarfigissuarput taperserlutigu.

Piniartutut inuussutissarsiuteqartut nunatta Avannaani Kangiani Kitaanilu nannuttassiissutinik pisassaqaqtut pisaqaraangamik ajornartorsiutigaat pisaminnik tunitsivissaqaqnginnertik nauk siornatigut nunatta ammerivianut tunisisoqartarsimagaluatoq kisiannili nunanut-allanut nannut amiinik annisseqqusaajunnaarnerup kingunerisaanik tunisisinnaaneq unitsinneqarsimalluni.

Nunatsinni nannup amia issitumi pinngitsoorneqarsinnaanngilaq atisatut atisallu sinaakkutaattut allarpassuarnullu atorineqartarami, nanu-qarliliarineqartarpoq, Kamippaat, Aaqqatit. Aaqtinut kaminnullu quliutissatut tassa sinaakkutissatut. Qaannamut issivaattatut. Kiisalu puisinut anginernullu siku quvasaatillugu aloqutitut Tutserissatut nipaarsaarnissamut allusionermi atorineqartarlunittaaq. Assigiinngitsutigullu ullorsionerni atisarineqartarlunittaaq. Taamaattumik Nannup amia nunatsinnut innuttaasunullu annertuumik pingaaruteqarpoq.

Nannup amianik orsortaajaasarneq qapiartarneq sumiiffigisani assigiinngitsuni assigiinngitsumik ingerlanneqartarpoq nannup amia atisassatut suliaq allaaneruseqarsimik suliarineqartarpoq sianigeqqissaarneqartarput meqqui sumut samminersut suliarineqaleraangamik meqquisa puttussuutilinnginnissaat imaluunniit meqquisa katagarsinnaasumik suliarineqarsinnaanerit sianigilluarneqartarpoq atisassiaq sivirusumik piussappat.

Siunnersuut naalackersuisut taperserlugu akissuteqarput, siumumiillu taamatut aaqqissuussisoqarnissaa ajorinngilarput Nunatta karsianiit tapiissutissat toqqaannartumik Nunatta ammerivianut akiliutigineqarsinnaassappata.

Tamatuma qularnaarneqarnissaa anguniarlugu isumaqarpugut siunnersuut Inuussutissarsionermut Ataatsimiititaliamut suliakkiissutigineqartariqartoq.

Jens Danielsen, Siumut